



DIRU-LAGUNTZEN PROGRAMEI BURUZKO EBALUAKETA 2017

OSASUNA

1. Osasunari buruzko ikerkuntza eta garapen proiektuetarako laguntzak	2
2. Droga-mendekotasunen prebentzio komunitarioko talde teknikoak sortzeko eta mantentzeko laguntzak.....	3
3. Adikzioen prebentzio komunitarioko programak garatzeko eta jarduera-eremu horretan ohitura osasungarriak sustatzeko laguntzak	4
4. Arriskuak eta kalteak prebenitzeko eta gutxitzeko proiektuak egiteko eta adikzioen esparruan ohitura osasungarriak sustatzeko laguntzak.....	5
5. Irabazi asmorik gabeko gizarte-ekimeneko erakundeentzako diru-laguntzak; GIB/HIESA, C Hepatitis eta sexu transmisiozko infekzioak prebenitzeko eta kontrolatzeko zereginetan aritu eta euren jarduera Euskal Autonomia Erkidegoan garatzen dutenentzat.....	6
6. EAE-n gaixoen kolektiboen eta haien familien bizi-kalitatea hobetzeko jarduerak egiten dituzten eta irabazi-asmorik ez duten ekimen sozialeko elkarteentzako laguntzak.....	7
7. Euskal Autonomia Erkidegoko toki-esparruan jarduera fisikoa sustatzeko diru-laguntzak	8
8. Euskal Autonomia Erkidegoko ikasleen guraso-elkarteei, ikasle-elkarteei eta unibertsitatez kanpoko ikastetxeen titular diren irakaskuntza-kooperatibei zuzendutako laguntzak, ikasleen artean mugikortasun aktiboa sustatzeko ekintzak garatzekoak	9
9. Osasun-eremuko profesionalak prestatzeko bekak eta laguntzak.....	11
10. Gib/HIESAren eta sexutransmisiozko infekzioen prebentzioa	13
11. Etxez etxeko laguntzarako udal zerbitzuaren erabiltzaileen artean sendagaien erabilera hobetzeko programa.....	14
12. Prestazio farmazeutikoa eta atzerriko botikak.....	15
13. Metadona tratamendua opiazeon adikzioa duten pertsonetan	16
14. Tratamendu dietoterapiko konplexu eta etxeko nutrizio enterala.....	17
15. Osasun-laguntza behar izateagatik egindako gastuak itzultzea	19
16. Prestazio ortoprotesikoak	20
17. Preskribatutako tratamendu medikoak ez uzteko laguntzak.....	21



1.- Izenburua

Osasunari buruzko ikerkuntza eta garapen proiektuetarako laguntzak

2.- Araua

AGINDUA, 2017ko ekainaren 20koa, Osasuneko sailburuarena, osasunari buruzko ikerkuntza- eta garapen-proiektuetarako laguntzen 2017ko deialdia arautzen duena. (2017ko uztailaren 13ko EHAA, 133. zk.).

3.- Diru-laguntza Programaren azalpen laburra eta helburuak

Deialdi honetan sartu den berrikuntza nagusia honako hau da: arau bakarrean sartu dira 2016ko bi diru-laguntza programak: osasunari buruzko ikerkuntza-proiektuetarako laguntzak, batetik, eta RIS3 Euskadi laguntzak, bestetik. Halaxe gomendatzen zuen, hain zuzen ere, Kontrol Ekonomikoko Bulegoaren txostenak. Halaber, bi babes-mota jasotzen ditu: osasunari buruzko jarduera ikertzailearen sustapena eta osasunari buruzko ikerkuntza estrategikoaren bultzada.

Programa honen xedea da, halaber, osasunari buruzko ikerkuntza- eta garapen-proiektuetarako diru-laguntzak emateko 2017. urteko deialdia arautzea, publizitatearen, gardentasunaren, lehiaren, objektibotasunaren, berdintasunaren eta bereizkeriarik ezaren printzipioei jarraikiz.

Hala, honako helburu hauek lortu nahi dira: euskal osasun-sistemako ikerkuntzaren gaineko trebakuntza sustatzea, laguntza-jarduerak garatzen dituzten langileek I+G arloko jardueretan duten partaidetza indartzea, euskal osasun-sistemaren eremuko gaitasun ikertzaileen koordinazioa sustatzea, ikerkuntza-taldeen arteko sinergiak bultzatzea, lankidetzak (sektore anitzen artean, diziplina anitzen artean eta zentro anitzen artean) indartzea eremu desberdinetako ikerkuntza-taldeen eta agenteen artean, eta ikerketa traslazonala sustatzea.

4.- Lortutako emaitzak, aurrekontu programarekin lotutako magnitudeak eta eragina gizartearen

164 eskari jaso dira; horietatik 128 sustapenaren tipologian eta 36 bultzadaren tipologian. Lehen tipologian 18 proiekturi eman zaie diru-laguntza, eta aurrekontuaren % 27,51 erabili da sortzen ari diren taldeak sustatzeko. Bigarren tipologian 30 proiektuk jaso dute diru-laguntza.

Aurkeztu diren proiektu guztien artean 99 ezin izan dira finantzatu, aurrekontu-hornidura faltagatik, ezta beste 17 ere, ez dutelako finantzatu ahal izateko beharrezko gutxieneko puntuazioa lortu.

Aurrekontu-programan 25 proiektu diruz laguntzea aurreikusi zen, eta, beraz, bete egin da adierazle hori.

Aurrekontu osoaren % 55,86 bideratu da batez ere emakume ikertzaileek zuzendutako proiektuak finantzatzera.



1.- Izenburua

Droga-mendekotasunen prebentzio komunitarioko talde teknikoak sortzeko eta mantentzeko laguntzak

2.- Araua

AGINDUA, 2017ko uztailaren 27ko Agindua, Osasuneko sailburuarena. Horren bidez diru-laguntzak deitu dira adikzioen prebentzio komunitariorako programak garatzeko, arriskuak eta kalteak prebenitzeko eta murrizteko proiektuak gauzatzeko, eta jokabide osasungarriak bultzatzeko jardun-eremu horietan talde teknikoak sortu eta mantendu daitezzen 2017ko ekitaldian.(EHAA 163. zk., 2017ko abuztuaren 28a)

3.- Diru-laguntza Programaren azalpen laburra eta helburuak

Droga-mendekotasunen prebentzio komunitarioko talde teknikoak sortzeko eta mantentzeko laguntzak

4.- Lortutako emaitzak, aurrekontu-programarekin lotutako magnitudeak eta eragina gizartean

Aurrekontu-programaren neurriak:

- 2. helburua: Adikzioak prebenitzeko, ohitura osasungarriak sustatzeko, adikzioei lotutako arrisku eta kalteak gutxitzeko programak, baita laguntza eta gizarteratze-programak ere
- 1. ekintza: Agindu baten bidez, diru-laguntzak ematea, honako hauetarako: ekipo teknikoak sortzeko eta mantentzeko; adikzioen prebentzio komunitarioko programak garatzeko; prebentziorako eta arrisku eta kalteen murrizketarako proiektuak egiteko, eta ohitura osasungarriak sustatzeko.
- Neurria: Emakida-kopurua, toki-erakundeak. Adierazlea: 35.

Lortutako emaitzak oso onak dira: 34 toki-erakunde:

- Arabako 4 udal eta Arabako Foru Aldundia
- Gipuzkoako 11 udal/mankomunitate
- Bizkaiko 19 udal/mankomunitate

Kapitulu honen diru-zuzkidura 1.174.135 eurokoa da. Emandako laguntza, guztira, eskabide guztien aurrekontuan jasotakoaren % 40,52 da (2.897.505,65 €)



1.- Izenburua

Adikzioen prebentzio komunitarioko programak garatzeko eta jarduera-eremu horretan ohitura osasungarriak sustatzeko laguntzak

2.- Araua

AGINDUA, 2017ko uztailaren 27koa, Osasuneko sailburuarena; horren bidez, laguntza eko-nomikoen deialdia egiten da talde teknikoak sortu eta mantentzeko, adikzioen komunitateko prebentzio-programak garatzeko eta arrisku eta kalteak prebenitu eta murrizteko proiektuak egiteko, bai eta jarduera-esparru horietan jarrera osasungarriak sustatzeko ere, 2017ko ekitaldian. (EHAA 163. zk., 2017ko abuztuaren 28a).

3.- Diru-laguntza Programaren azalpen laburra eta helburuak

Xedea da 2017an zehar EAEko toki-erakundeei arriskuak eta kalteak prebenitzeko eta gutxitzeko, bai eta ohitura osasungarriak sustatzeko programak eta esku-hartzeak garatzeko emango zaizkien diru-laguntzak arautzea. Programa eta esku-hartze horiek adikzioen edo droga-mendekotasunen alorreko tokiko planetan egon behar dute, –plan horiek onartuta edo prestatzeko prozesuan daudela–. Udalek banaka edo mankomunitate prestatu eta garatu behar dituzte plan horiek, eta ekintza egituratu eta koordinatuen multzo ordenatu bat osatu behar dute.

4.- Lortutako emaitzak, aurrekontu-programarekin lotutako magnitudeak eta eragina gizartean

Aurrekontu-programaren neurriak:

- 2. helburua: Adikzioak prebenitzeko, ohitura osasungarriak sustatzeko, adikzioei lotutako arrisku eta kalteak gutxitzeko programak, baita laguntza eta gizarteratze-programak ere
- 1. ekintza: Agindu baten bidez, diru-laguntzak ematea, honako hauetarako: ekipo teknikoak sortzeko eta mantentzeko; adikzioen prebentzio komunitarioko programak garatzeko; prebentziorako eta arrisku eta kalteen murrizketarako proiektuak egiteko, eta ohitura osasungarriak sustatzeko.
- Neurria: Emakida-kopurua, toki-erakundeak. Adierazlea: 45.

Lortutako emaitzak oso onak dira: 44 toki-erakundek egindako 44 programa lagundu dira diruz; eskabide bati ukatu zaio diru-laguntza aginduan ezarritako baldintzak ez betetzeagatik.

- Arabako 3 udal
- Gipuzkoako 18 udal/mankomunitate
- Bizkaiko 23 udal/mankomunitate

Kapitulu honetako diru-zuzkidura 561.765 eurokoa da. Emandako laguntza, guztira, eskabideen aurrekontuan jasotakoaren % 18,20 da (3.085.429 €).



1.- Izenburua

Arriskuak eta kalteak prebenitzeko eta gutxitzeko proiektuak egiteko eta adikzioen esparruan ohitura osasungarriak sustatzeko laguntzak

2.- Araua

AGINDUA, 2017ko uztailaren 27koa, Osasuneko sailburuarena; horren bidez, laguntza ekonomikoen deialdia egiten da talde teknikoak sortu eta mantentzeko, adikzioen komunitateko prebentzio-programak garatzeko eta arrisku eta kalteak prebenitu eta murrizteko proiektuak egiteko, bai eta jarduera-esparru horietan jarrera osasungarriak sustatzeko ere, 2017ko ekitaldian. (EHAA 163. zk., 2017ko abuztuaren 28a).

3.- Diru-laguntza Programaren azalpen laburra eta helburuak

Laguntza horien onuradun izan daitezke 2017an adikzioen eremuko arriskuak eta kalteak prebenitzeko eta gutxitzeko, bai eta jarduera-esparru horretan ohitura osasungarriak sustatzeko proiektuak egiten dituzten irabazi-asmorik gabeko gizarte-ekimeneko erakundeak.

4.- Lortutako emaitzak, aurrekontu programarekin lotutako magnitudeak eta eragina gizarte

Aurrekontu-programaren neurriak:

- 2. helburua: Adikzioak prebenitzeko, ohitura osasungarriak sustatzeko, adikzioei lotutako arrisku eta kalteak gutxitzeko programak, baita laguntza eta gizarteratze-programak ere
- 1. ekintza: Agindu baten bidez, diru-laguntzak ematea, honako hauetarako: ekipo teknikoak sortzeko eta mantentzeko; adikzioen prebentzio komunitarioko programak garatzeko; prebentziorako eta arrisku eta kalteen murrizketarako proiektuak egiteko, eta ohitura osasungarriak sustatzeko.
- Neurria: Emakida-kopurua, irabazi-asmorik gabeko erakundeak. Adierazlea: 44

2017ko laguntza-programa efikaza izan da helburu hauek lortzeko:

- 31 entitateak izan dira onuradun, 65 proiektuekin.
- Entitate batzuek proiektu bat baino gehiago aurkeztu dituzte. 2 proiektuk ez dute jaso diru-laguntzarik aurrekontu-partida agortu egin delako.
- Kapitulu honetako diru-zuzkidura 882.500 €-koa izan zen. Emandako laguntza, guztira, eskabide guztien aurrekontuan jasotakoaren % 24,11 da (3.660.026,10 euro).



1.- Izenburua

Irabazi asmorik gabeko gizarte-ekimeneko erakundeentzako diru-laguntzak; GIB/HIESA, C Hepatitis eta sexu transmisiozko infekzioak prebenitzeko eta kontrolatzeko zereginetan aritu eta euren jarduera Euskal Autonomia Erkidegoan garatzen dutenentzat

2.- Araua

Agindua, 2017ko apirilaren 11koa, Osasun sailburuarena; honen bidez, laguntzetarako deia egiten zaie EAEn GIB/hiesa, C hepatitis eta sexu bidez transmititzen diren infekzioak (STI) prebenitzeko eta kontrolatzeko jarduerak egiten dituzten irabazi asmorik gabeko eta ekimen sozialeko erakundeei.

3.- Diru-laguntza Programaren azalpen laburra eta helburuak

Herri Administrazioek martxan jartzen dituztenak ezinbestekoak dira infekzio horren transmisioa prebenitzeko ahalegin bateratu horretan laguntzeko eta birus eramaileen egoera hobetzeko.

Hona hemen laguntza horien jomugan daudenak:

- a) Gizonekin sexua daukaten gizonei zuzendutako proiektuak, kontuan hartuta zenbaterainoko garrantzi epidemiologikoa duen giza-talde horrek gaur egun.
- b) GIBari dagokionez egoera zaurgarrian dauden beste giza-talde batzuei zuzendutako proiektuak; kasurako, etorkinak, drogak bide parenteraletik hartzen dituztenak eta prostituzioan lan egiten dutenak.
- c) GIB birusaren gaixotasunaren diagnostiko goiztiarra egiteko sortutako proiektuak.

4.- Lortutako emaitzak, aurrekontu programarekin lotutako magnitudeak eta eragina gizartean

Aurrekontu programan aurreikusitakoak bete dira: 16 erakunderi eta 39 proiekturi eman zaio 300.000,00 €-ko diru-laguntza.

Dirulaguntza guztiaren %35a harreman homosexualak dituzten gizonei zuzendutako proiektuei bideratu da, %18a prostituzioan aritzen diren zuzendutako proiektuei, %12a droga injektatzaileei zuzendutakoei, %10a kanpotarrei zuzendutakoei, %13a diagnostiko berantiarra laguntzeko proiektuei, %10a laguntza emozionala lantzen duten proiektuei eta beste %2a proiektu orokorrei.



1.- Izenburua

EAE-n gaixoen kolektiboen eta haien familien bizi-kalitatea hobetzeko jarduerak egiten dituzten eta irabazi-asmorik ez duten ekimen sozialeko elkarteentzako laguntzak

2.- Araua

AGINDUA, 2017ko ekainaren 13koa, Osasuneko sailburuarena, zeinaren bidez laguntzatarako deialdi bat egiten baita EAeko gaixoen eta haien familien kolektiboen bizi-kalitatea hobetzen diharduten irabazi-asmorik gabeko gizarte-ekimeneko elkarteei zuzenduta. (2017ko ekainaren 29ko EHAA, 123 zk.).

3.- Diru-laguntza Programaren azalpen laburra eta helburuak

Gaixotasunen bat duten pertsona-kolektiboen eta haien familien ongizatea eta bizi-kalitatea hobetzera bideratutako jarduerak finantzatzen laguntzea da diru-laguntzen lerro hauek duten helburu nagusia.

4.- Lortutako emaitzak, aurrekontu programarekin lotutako magnitudeak eta eragina gizartean

2017ko helburuek adierazle hauek hartu zituzten kontuan programaren ebaluazioa egiteko: 60 erakunde onuradun. Lortutako zenbakiak, aldiz, hauek izan ziren: 63 erakunde onuradun. Hortaz, aurrekontu-programaren aurreikuspenetako betetze-maila gainditu zen. Gainera, deialdiaren % 100 esleitu zen, 300.000 €ko zenbatekoarekin.

Hainbat patologia-mota dituzten paziente eta familiei zuzendutako jardueretarako diru-laguntzak eman dira. Hona hemen patologia: minbizia, diabetesa, buru- eta portaera-nahasmenduak, nerbio-sistemaren eta sistema osteomuskularraren nahasmendua, elikadura-nahasmenduak, etab.

Honako hauek izan dira diruz lagundutako jarduera nagusiak: gaixoentzako eta familiartekoentzako autolaguntza- eta babes-taldeak, laguntza psikologiko eta soziala, familia-unitateko pertsona guzien bizi-kalitatea handitzeko, talde-terapiak, pazienteentzako eta familiartekoentzako prestakuntza-hitzaldiak, gaixotasunen informazio eta sentsibilizazioa, eta informazio-gida espezifikoaren prestaketa.



1.- Izenburua

Euskal Autonomia Erkidegoko toki-esparruan jarduera fisikoa sustatzeko diru-laguntzak

2.- Araua

AGINDUA, 2017ko maiatzaren 23koa, Osasuneko sailburuarena, zeinaren bidez diru-laguntzak ematea arautzen baita, 2017ko ekitaldian Euskal Autonomia Erkidegoko toki-eremuan jarduera fisikoa sustatzeko. (2017ko ekainaren 6ko EHAA, 106 zk.).

3.- Diru-laguntzen programaren azalpen laburra eta helburuak

Diru-laguntza hauen helburu nagusia da, alde batetik, osasuna indartzea toki-eremuko jardueretan eta osasun-arlokoak ez diren gainerako lan-eremuetan; bestetik, biztanleek oro har eta sedentarioenak diren biztanleek bereziki jarduera fisikoarekiko duten jarrerak hobetze aldera toki-erakundeek egiten dituzten programa eta jarduerak indartzea, horiek finantzatuz, eta, bestetik, udalerrietan mugikortasun aktiboa sustatzea.

Deialdi honetan, lehenetsuna eman zaie hirietan eta hiri-inguruetan ibilbideak edo pasealekuak egokitzeko eta dinamizatzeko programak eta esku-hartzeak, herritar guztiei zuzenduak; ibilbide horiek seguruak izango dira eta behar bezala seinaleztatuta egongo dira, ohiko joan-etorrietan mugikortasun aktiboa errazteko eta aisialdi aktiboa sustatzeko eta esku-hartze komunitarioko tokiko sare edo talde bat, diziplina anitzekoa eta sektoreartekoa, sortzeko beharrezkoak diren jarduerak. Tokian-tokian jarduera fisikoa sustatzeko eta sedentarismoa prebenitzeko ekintzak eta estrategiak lehenetsi, planifikatu eta garatuko ditu sare horrek partaidetzazko prozesuen bidez.

4.- Lortutako emaitzak, aurrekontu-programarekin lotutako magnitudeak eta eragina gizartean

2017ko helburua zen 50 proiektu diruz laguntzea. Aldiz, 116 proiektu diruz lagundu ziren. Hortaz, aurrekontu-programaren aurreikuspenetako betetze-maila gainditu zen, proiektuei dagokienez. Gainera, deialdiaren % 100 esleitu zen, 292.000 €ko zenbatekoarekin.

Honako hauek izan dira diruz lagundutako jarduera nagusiak:

- Ardatzak edo hiri-ibilbideak sortu, egokitu eta seinaleztatzea.
- Leku horiek erabiltzeko programak dinamizatzea.
- Jarduera fisikoa sustatzeko eta sedentarismoa prebenitzeko ekintzak eta estrategiak koordinatzen dituzten tokiko sareak sortzea.



1.- Izenburua

Euskal Autonomia Erkidegoko ikasleen guraso-elkarteei, ikasle-elkarteei eta unibertsitatez kanpoko ikastetxeen titular diren irakaskuntza-kooperatibei zuzendutako laguntzak, ikasleen artean mugikortasun aktiboa sustatzeko ekintzak garatzekoak

2.- Araua

AGINDUA, 2017ko maiatzaren 23koa, Osasuneko sailburuarena, zeinaren bidez elkarte eta kooperatibei zuzendutako laguntzetarako deialdia egiten baita, 2017-2018 ikasturtean Euskal Autonomia Erkidegoko ikasleen mugikortasun aktiboa sustatzeko ekintzak gara ditzaten. (EHAA, 106. zk., 2017ko ekainaren 6koa).

3.- Diru-laguntza Programaren azalpen laburra eta helburuak

Diru-laguntza honen helburua da toki-eremuko eta osasun-arlokoak ez diren gainerako eremuetako jarduketetan osasuna indartzea, eta, horretarako, EAEko ikastetxeetan eskola-bideak sortzea.

Laguntza hauen helburua da 2017-2018 ikasturtean zehar EAEko ikasleen guraso-elkartek, ikasle-elkartek eta irakaskuntza-kooperatibak finantzatzea, eskola-bideak sortu eta dinamiza ditzaten. Ikasleak kaleetan segurtasunez eta autonomiaz mugitu ahal izatea eta eremu publikoaren erabilera eta gozamina berreskuratzea da eskola-bideei buruzko proiektuen xedea. Gainera, eskola-giroan mugikortasun aktiboa sustatzea tresna eraginkor bat izan daiteke txiki-txikitatik herritarrak kontzientziatzeko jarduera fisikoak osasunari dakarkion onuraz.

4.- Lortutako emaitzak, aurrekontu-programarekin lotutako magnitudeak eta eragina gizartean

2017ko helburuek adierazle hauek hartu zituzten kontuan programaren ebaluazioa egiteko: 30 proiektu onuradun. Laguntza hauek urte anitzekoak dira, eta ikasturtearen iraupena dute, 2018eko ekainean bukatzen dira; beraz, ikastetxeek data horretarako egiaztatu beharko dute burutu dutela aurkeztutako proiektua.

2017an, eskaerak aurkezteko epea zabaldu zen (32 eskari), horiei buruzko esleipen-ebazpena eman zen (30ri eman zitzaien laguntza), eta esleitutako kopuruaren %70a ordaindu zen (65.800€).

Honako hauek izan dira diruz lagundutako proiektu nagusiak:

- a) Proiektuaren dinamizazioa eta koordinazio teknikoa.
- b) Ikastetxearen inguruan zer mugikortasun dagoen aztertzea.
- c) Solasaldiak, tailerrak edo komunikazio-kanpainak antolatzea.
- d) Behar den materiala



e) Ekimen honetara atxikitzen direnen ikasleentzako pizgarriak.

f) Mugikortasun aktiboa bultzatzen duten ikastetxeetako espazioak egokitzea.

2017an 2016-2017 ikasturteko deialdia bukatu da, justifikazioak aurkeztu eta esleitutako %30 ordaindu ondoren (28.200€).



1.- Izenburua

Osasun-eremuko profesionalak prestatzeko bekak eta laguntzak

2.- Araua

AGINDUA, 2017ko ekainaren 6koa, Osasuneko sailburuarena. Honen bidez, osasun-eremuko profesionalak prestatzeko beken eta laguntzen deialdia egiten da.

3.- Diru-laguntzaren programaren azalpen laburra eta xedeak

Osasun-eremuko prestakuntza-planak (2017an hasten direnak) egiteko bekak eta laguntzak esleitzeko araubidea erregulatzea eta deialdia bera egitea da agindu honen xedea.

Beka eta laguntza hauek emango dira:

- Atzerriko zentroetan prestakuntza-egonaldiak egiteko bekak eta laguntzak.
- Estatuko unibertsitateetan hiru arlo espezifikotan (osasun-kudeaketan, osasun publikoan eta zainketa aringarrietan) gaitasun aurreratuak lortzeko prestakuntza-jarduerak egiteko bekak eta laguntzak. Prestakuntza-jarduerak graduondoko kategoria eduki beharko dute (titulu ofizialak edo propioak), eta, gutxienez, 60 ECTS kreditu egin beharko dira.

4.- Lortutako emaitzak, aurrekontu-programarekin lotutako magnitudeak eta eragina gizartean

2017rako deialdiaren zenbatekoa 108.010 eurokoa izan zen eta 90.132,58 euro esleitu ziren.

Oro har hartuta, aurreikusitakoa baino banakako beka gehiago esleitu ziren (10 aurreikusi ziren, eta 18 esleitu); hala ere, egia da, modalitatearen arabera, atzerriko egonaldiak behera egiten zutela (10 aurreikusi ziren, eta 7 eman). Estatuko egonaldiak, ordea, gora egin zuten, 10 baitzeuden aurreikusita eta 18 eman baitziren.

Atzerriko zentroetan ikastaroak eta egonaldiak egiteko 7 beka edo laguntza eman ziren, eta 18 esleitu ziren estatuko zentroetan osasun-kudeaketaren, osasun publikoaren eta zainketa aringarrien arloko gaitasunak lortzeari begirako prestakuntza-jardueretarako.

Lurraldearen eta urtearen arabera, honako hau da banaketa:

Lurraldea	Onuradunen kop.	2017ko ekitaldia	2018ko ekitaldia	Guztira
Araba	1	3.779,10	1.259,70	5.038,80
Bizkaia	18	39.361,36	17.695,15	57.056,51
Gipuzkoa	6	21.027,96	7.009,31	28.037,27
Guztira	25	64.168,42	25.964,16	90.132,58

38 eskaera ukatu dira; 3 Araban, 23 Bizkaian eta 12 Gipuzkoan.

Jasotako 63 eskaeretatik, batez ere jarduera 2017an ez hasteagatik ukatu ziren % 30; diruz



laguntzea nahi zen jarduera deialdian zehaztutako eremuan ez egoteagatik % 37,5; laguntza jasotzeko behar zen puntuaziora ez iristeagatik % 12,5; betekizunak ez betetzeagatik % 7,5; eskabidea epez kanpo aurkezteagatik % 7,5. Bestalde, errekurtsoen % 5ek aldeko ebazpena jaso zuten.

Deialdiak helburu hauek zituen:

- atzerriko zentroetan ikastaroak eta egonaldiak egiteko bekak eta laguntzak, 10
- estatuko zentroetan osasun-kudeaketaren arloko gaitasunak lortzeko bekak eta laguntzak, 10 eta
- eraginkortasunari dagokionez balorazio altua lortu duten prestakuntza-jarduerak, % 75etik gora

Asebetetze-galdetegi batekin neurtzen da hirugarren adierazlea. Bekaren edo laguntzaren onuradunak bete behar du hori, eta Osasun Sailera bidali, prestakuntza-jarduera egin duela justifikatzen duen dokumentazioarekin batera.

Izan ere, deialdia zenbait urterako da (diruz lagundutako prestakuntza-jarduerak 2017an hasi behar du nahitaez, baina 2018an amai daiteke), eta jaso diren azken justifikazioak ez dira nahikoak oraindik aurreikusita zegoen maila lortu den ala ez egiaztatzeko. Edonola ere, aipatutako galdetegiak aztertu ondoren, eraginkortasunari dagokionez % 100ek balorazio altua jaso dutela ikusi dugu.

Beste adierazleei dagokienez, atzerriko zentroetan ikastaroak eta egonaldiak egiteko 7 beka edo laguntza eman dira, eta 18 beka edo laguntza esleitu dira estatuko zentroetan osasun-kudeaketaren, osasun publikoaren eta zainketa aringarrien arloko gaitasunak lortzeari begirako prestakuntza-jardueretarako.



1.- Izenburua

Gib/HIESaren eta sexutrasmisiozko infekzioen prebentzioa

2.- Araua

1995eko maiatzaren 12an, Osasun Sailak Farmazialarien Elkarte Ofizialarekin lankidetzahitzarmena sinatu zuen GIB/HIESaren eta sexu transmiziozko infekzioen prebentzioarako. Gaur egun, hitzarmenak indarrean jarraitzen du.

2009ko otsailean, lankidetzahitzarmenaren eranskina sinatu zen. Hitzarmena 2018era luzatu da.

3.- Diru-laguntza Programaren azalpen laburra eta helburuak

2009an GIBaren test negatibo baheketa lasterraren proba pilotoa burutu zen EAEko farmazia bulegoetan. Eraitza positiboak lortu ziren eta 2017era luzatu zen hitzarmena.

Programaren helburua da GIBaren test negatibo behaketa lasterra populaziora helaraztea.

GIBaren baheketa test azkarra da GIBak eragindako infekzioaren diagnostikoaren eremuan berrikuntza azpimarragarrietakoa. Teknika oso erraza eta sinplea da, fidagarritasuna %100 ingurukoa da (sentsibilitatea %100, espezifitatea %99,7); beti ere, praktika arriskutsuetatik (leiho aldia) gutxienez hiru hilabete igaro badira.

4.- Lortutako emaitzak, aurrekontu programarekin lotutako magnitudeak eta eragina gizartean

2017an, EAEko 54 farmazia bulegok parte hartu dute (Araban 7, Gipuzkoan 16 eta Bizkaian 31 farmazia izan dira). 2.658 test burutu dira, pasa den urtean baino 10 test gutxiago.

Osasun Sailarentzat 49.678,02 euroko kostua izan du.

Prebentzioaren alorrean proiektu hau ezinbestekoa da osasun prestazioan ekonomikoki aurreztearen eragiten baitu.



1.- Izenburua

Etxez etxeko laguntzarako udal zerbitzuaren erabiltzaileen artean sendagaien erabilera hobetzeko programa

2.- Araua

2009ko otsailaren 25ean sinatu zen lankidetzaren hitzarmena Osasun Sailaren eta EAEko Farmazialarien Elkartearen artean, etxez etxeko laguntzarako udal zerbitzuaren erabiltzaileen artean sendagaien erabilera hobetzeko.

Hitzarmenaren luzapena sinatu da 2017rako.

3.- Diru-laguntza Programaren azalpen laburra eta helburuak

Programaren helburua da sendagaien erabilera hobetzeko baldintzak ezartzea Osasun Saila eta Araba, Gipuzkoa eta Bizkaiako Farmazialari Elkartearen arteko lankidetzari esker. Horretarako, dosifikatze sistema pertsonalak prestatuko dira farmazia bulegoetan. Programa hau sendagaien erabileran arazoak dituzten eta beraien etxeetan udal zerbitzuetako etxez etxeko laguntza jasotzen duten erabiltzaile autonomo zein menpekoei zuzenduta dago.

Helburu orokorra: udal zerbitzuetako etxez etxeko laguntza jasotzen duten erabiltzaileen botiken erabilera optimizatzea, segurtasuna eta eraginkortasuna hobetze aldera.

4.- Lortutako emaitzak, aurrekontu programarekin lotutako magnitudeak eta eragina gizartean

2017an, 372 farmazia bulegok eta batezbeste hileroko 802 pazienteek parte hartu dute programan. Osasun Sailak programatik 301.566,75 euro ordaindu ditu.

Programaren inplementazioak garrantzi handia du adineko pertsonen artean, gaixo kroniko eta polimedikatuak baitira. Programak pazienteek jasotzen duten arretaren kalitatea hobetzen du, segurtasuna areagotuz eta botiken kontrako efektuak eragotziz.



1.- Izenburua

Prestazio farmazeutikoa eta atzerriko botikak

2.- Araua

1/2015 Legegintzako Errege Dekretua, uztailaren 24koa, medikamentu eta osasun produktuen bermeei eta arrazoizko erabilerari buruzko Legearen testu bategina onesten duena.

1015/2009 Errege Dekretua, ekainaren 19koa, egoera berezietan beharrezkoak diren medikamentuen eskuragarritasuna arautzen duena.

3.- Diru-laguntza Programaren azalpen laburra eta helburuak

Programa honen helburua da estaldura ematea:

- Errezeta medikoaren bidez Osasun Sistema Publikoko eskaintza farmazeutikoko beharrei.
- Paziente anbulatorioen atzerriko medikamentuen beharrei. Atzerriko medikamentuek bere barnean biltzen ditu Estatu Espainiarrean erregistratutarik edo komertzializaturik ez dauden botikak.

4.- Lortutako emaitzak, aurrekontu programarekin lotutako magnitudeak eta eragina gizartean

2017an, errezeta bidez preskribatutako medikamentu, efektu eta osagarri, bakuna, formulen, Inkontinetziarako gernu xurgatzale eta produkto dietetiko gastua 509.949.849,88 eurokoa izan zen. Atzerriko botiken kostua, berriz, 307.474,63 eurokoa izan zen, aurrekontuan ezarritakoa baino euro 98.025,37 gutxiago.

Errezeta bidezko eskaintza farmazeutikoa Osasun Sistema Publikoaren ezinbesteko oinarrietakoa da. Era berean, programa honek eragin sozial handia duenez, aldi oro, pazienteen beharrei egokitzea eskatzen du.



1.- Izenburua

Metadona tratamendua opiazeon adikzioa duten pertsonetan

2.- Araua

1995eko abenduaren 22an sinatu zen Osasun Sailaren eta Euskadiko Farmazilarien Elkarteekin lankidetzaz hitzarmena.

Bi aldeek adostasunez erabaki dute programa luzatzea 1996. urtetik gaur arte, urtero.

3.- Diru-laguntza Programaren azalpen laburra eta helburuak

Programaren helburu orokorra da metadona behar duten droga erabiltzailei, GIB/HIESa dutenei zein ez dutenei, arretoa egokiago bat eskaintzea.

Programa honen bidez Ospitaletik Kanpoko Osasun Mentaleko opiazeoen adikzioagatiko desintoxikazio programari laguntza ematen zaio.

4.- Lortutako emaitzak, aurrekontu programarekin lotutako magnitudeak eta eragina gizartean

EAEko farmazia bulegoak funtsezkoak dira sare publikotik ematen den eskaintza osatzeko orduan. EAEko programa honen ezarpena eredu da beste erkidegoentzat bai programan parte hartzen duten profesionalen erakutsitako harrera beroagatik (mediku eta farmazialariak) baita erabiltzaileen erantzunagatik ere.

2017an, 270 farmazia bulegok parte hartu dute programan. Batezbeste, 1.037 paziente igaro dira farmazietatik eta 712.620,48 euroko kostua izan du.



1.- Izenburua

Tratamendu dietoterapiko konplexu eta etxeko nutrizio enterala

2.- Araua

Irailaren 15eko 1030/2006 Errege Dekretua, Osasun Sistema Nazionaleko ohiko zerbitzuen zorroa eta berau eguneratzeko prozedura ezarri duena.

Irailaren 24ko 1205/2010 Errege Dekretua, mediku-erabilera berezietarako elikagai dietetikoak Osasun Sistema Nazionaleko produktu dietetikoekiko eskaintzan txertatzeko oinarriak eta finantzaziorako gehieneko zenbatekoak ezartzeko oinarriak finkatzen dituena.

SSI/2958/2010 Agindua, azaroaren 16koa, mediku-erabilera berezietarako elikagai dietetikoak Osasun Sistema Nazionaleko produktu dietetikoekiko eskaintzan txertatzeko eta finantzaziorako gehieneko zenbatekoak aplikatzeko prozedura finkatzen dituena.

2008ko apirilaren 21eko ebazpena, Osasun Sailbuorordearena, zeinaren bidez onartzen baitira Euskal Autonomia Erkidegoan dietoterapikoak dispentsatzeko argibideak.

SSI/2366/2012 Agindua, urriaren 30ekoa, produktu dietetikoekiko prestazioaren fakturazioko faktore komuna ezartzen duena.

Hitzarmenaren luzapena sinatu da 2018.urterako.

3.- Diru-laguntza Programaren azalpen laburra eta helburuak

Produktu dietetikoekiko eskaintza Osasun Sistema Nazionaleko zerbitzuen zorroan finkatzen da. Programa honen helburua da produktu hauen dispentsazioa erraztea. Horretarako, programaren bidez gaixotasun metaboliko konplexuak dituzten gaixoei tratamendu dietoterapikoa eskaintzen zaie, eta etxeko nutrizio enterala ohiko elikagaiekin elikatu ezin diren eta beraien etxeetan edo egoitzetan dauden pazienteei.

4.- Lortutako emaitzak, aurrekontu programarekin lotutako magnitudeak eta eragina gizartean

Produktu hauen dispentsazio baldintzak 2001eko apirilean sinatutako EAEko Farmazia Bulegoen bitartez bideratzen den prestazio farmazeutikorako eta Osasun Sailarekiko lankidetzaren bitartez baldintzak finkatzen dituen hitzarmenean jasotzen da.

Alabaina, 2012ko urriaren 30eko SSI/2366/2012 Agindua produktu dietetikoekiko prestazioaren fakturazioko faktore komuna ezartzen duenak, eskaintzako zenbatekoari fakturazio faktore komuna



aplikatzen dio produktuaren fakturazio zenbatekoa ezartzerako orduan, hitzarmenean finkaturikoa bertan behera utziz. Osasun Sailak eskaintzaren barnean dauden produktuak, beraz, fakturazio zenbateko horren arabera ordaintzen ditu.

2017ean, 133.812 ontzi kontsumitu dira eta prestazio honen zenbatekoa 12.219.103,51 eurokoa izan da.



1.- Izenburua

Osasun-laguntza behar izateagatik egindako gastuak itzultzea

2.- Araua

1030/2006 Errege Dekretua, irailaren 15ekoa. Bi gauza ezartzen ditu: Osasun Sistema Nazionalako ohiko zerbitzuen zorroa; eta barau eguneratzeko prozedura.

3.- Diru-laguntza Programaren azalpen laburra eta helburuak

Badira gaixo batzuk, laguntza-sare publikoko osasun-zerbitzuak eskuratu ezin izan dituztenak, zentzuzko arrazoi batzuk direla-eta, hala nola, hil ala bizi berehala erantzun beharra edo zerbitzu publikoak dena delako beharrezko laguntza hori ez edukitzea; gastuak itzultzeko programaren helburua, bada, gaixo horiei diru-ordaina ematea da, bidezkoa baita.

4.- Lortutako emaitzak, aurrekontu-programarekin lotutako magnitudeak eta eragina gizartean

Egindako gastuen itzulera eskatuz gure aseguratuek 2017an aurkeztu dituzten eskabide guztiak aztertu eta ebatzi ditugu.

Zehatz-mehatz, gure aseguratuek, 2017an, gastuak itzultzeko 4.768 eskabide aurkeztu zituzten; eta, aztertu ondoren, % 95,91 ari baietz erantzun diogu (hau da, 4.573 eskabideri).



1.- Izenburua

Prestazio ortoprotesikoak

2.- Araua

Urtarrilaren 22ko 9/97 Dekretua (97-2-12 EHAA)

2000ko urriaren 10eko Agindua (01-01-16 EHAA)

2007ko martxoaren 29ko Agindua (07-07-30 EHAA)

Lan-prozedura normalizatuak, protokolo klinikoak eta gidalerroak

3.- Diru-laguntza Programaren azalpen laburra eta helburuak

Hainbat prestazio-eskari egon da, eta programa honen helburu nagusia eskari horiei erantzutea da, gastuak itzuliz edo zuzenean ordainduz. Horretarako, material ortoprotesikorako indarrean dagoen katalogoan begiratuko dugu, eta izan badiren lan-prozedurak, protokoloak eta berariazko artezpideak beteko ditugu.

Eta horrela, gainera, irailaren 15eko 1.03/2006 Errege Dekretuko VI. eranskinean jasotakoa ere bete dugu (hor dago prestazio ortoprotesikoen zerbitzuen poltsa).

4.- Lortutako emaitzak, aurrekontu-programarekin lotutako magnitudeak eta eragina gizartean

Ezintasun fisiko batzuk bereziki garrantzitsuak dira osasunerako eta gizartean normal bizitzeko; bada, programa hau gaixo horien oinarritzko zenbait premiei erantzuteko da.

Programaren oinarrian gaixoen integrazio soziala eta autonomia pertsonala daude, eta erabiltzaileen premia kliniko-sanitarioei erantzuna emanez gauzatzen da.

2017an, guztira, 27.108 espediente tramitatu genuen, batez beste, 1,07 artikuluko espediente bakoitzagatik, beraz, 29.005ren bat artikuluko-eskariri erantzun genion.

Haietatik guztietatik, 349 erreklamazio izan genituen aurretiaz eginak, bisatu-erakoak edo gastuak itzultzeko eskatuz; eta, haietatik, 264 aldekoak izan ziren eta 85 kontrakoak izan ziren.



1.- Izenburua

Preskribatutako tratamendu medikoak ez uzteko laguntzak

2.- Araua

447/2013 DEKRETUA, azaroaren 19koa, Euskadiko Osasun Sistemako langileek agindutako tratamendu medikoak betetzea errazteko laguntzak arautzeko (EHAA 227. zk., 2013ko azaroaren 28a).

AGINDUA, 2017ko otsailaren 21ekoa, Osasuneko sailburuarena, agindutako tratamendu medikoak betetzea errazteko, 2016ko eta 2017ko ekitaldietarako laguntzak emateko deialdia egiten duena (EHAA 42.zk., 2017ko martxoaren 1a).

3.- Diru-laguntzen programaren deskribapen laburra eta helburuak.

Euskadiko Osasun Sistemako langileek agindutako tratamendu medikoak, finantzaketa publikoa jaso dezaketenak, gaixotasun- eta behar-egoera objektiboan dauden pertsonak bete ditzaten erraztea du xedetzat dirulaguntza-programa honek.

Agindutako tratamendu mediko bat betetzeko orduan ordaindu behar izan dituzten zenbatekoak itzuliko dira -hala egin behar denetan-, betiere finantzaketa publikoa jaso dezaketen tratamendu farmakologikoei, produktu dietetikoei eta efektu eta osagarriei dagokienez.

Gaixo eta premian dauden pertsonak, eta 447/2013 Dekretuko 3.1 artikuluan datozen baldintzak betetzen dituzten pertsonak jaso ditzaketen laguntza hauek.

4.- Lortutako emaitzak, aurrekontu programarekin lotutako magnitudeak eta eragina gizartean

EAĒko biztanleek aurkeztutako %100 eskaerek izapidetu dira, eta ia %90a onespenez ebazpena izan dute; gainerakoak, ezezekoak izan dira.

Datu horiek begi aurrean ditugula, garbi dago programa honek berebiziko eragin ona duela: Alde batetik, zuzen-zuzenean, 100.000 inguru gaixo eta premian dauden pertsonak, Euskadiko osasun-sistemako langileek agindutako tratamendu medikoari heldu ahal izan diote; eta, beste alde batetik, agindutako tratamendu medikoa bertan behera uzteak okerreko beste ondorioz ere izango luke, eta, horrela, haiek saihestea ere lortu da; ona, inondik inora ere, ez, soilik, ekonomiari begiratuta, baita beste irizpide batzuk kontuan hartuta ere, hala nola, ongizate soziala, bizi-kalitatea...